

土
豆



金朝劉河間先生撰

宣明方論

新安程郊倩先生訂

干頃堂書局商標



重刻劉守真先生宣明方論序

按本傳劉完素字守真河間人嘗遇異人陳先生以酒飲守真大醉及寤洞達醫術若有授之者乃撰運氣要旨論精要宣明論慮庸醫或出妄說又著素問玄機原病式特舉二百八十八字註二萬餘言然好用涼劑以降心火益腎水為主自號通元處士金承安間章宗徵不就賜號高尚先生本郡志稱所論著皆發前古所未發與潔古齊名世號劉張法蓋古君子而託醫以避亂世者又按列傳張元素字潔古易州人夜夢有人用大斧長鑿鑿心開竅納書於中自是洞徹醫術完素病傷寒八日不食不知所為元素往候完素面壁不顧元素曰何見待之卑如此哉既為診視謂之曰服某藥乎曰然元素曰守誤矣某未性寒下降走太陰陽亡汗不能出今脈如此當服某藥奏效矣完素大服如其言遂愈元素自此顯名余因是知是術之不可與尋常人語也嘗疑馬遷氏稱扁鵲過長桑君之事頗涉謬悠迺近史飲酒鑿心之說證之豈盡無徵不信者哉殆以醫道通玄非神授不得其秘而世之習旁門執方書守意見以戕伐生靈者出其無所從悟也守真本內經著要旨宣明二論總一十七萬言言又述習醫要用直格晚年著保命集三卷自謂軒岐微妙之旨得之心髓不敢輕以示人蓋自秦越人張仲景之後千有餘年而先生出上以承正派之學下以啟丹溪之傳通於南北以永仁術不其偉與說者曰不由程子不知異端之害深不由守真不知偏門之

